

Arkiv:
JournalpostID: 19/1765
Saksbehandlar: Arthur Kleiveland
Dato: 22.11.2019

Saksframlegg

Saksnr.	Utvalg	Møtedato
001/19	Utval for næring og drift	18.11.2019

Drøftingssak - arbeid i utvalet framover

Utvalsleiar Stian Lavik (Krf) ønskte i møtet å oppretta ei drøftingssak knytt til arbeidet i utvalet framover. Kva rolle skal utvalet ha, og kva visjonar vil utvalet ha for sitt arbeid.

Utval for næring og drift 18.11.2019:

Behandling:

Utval for næring og drift drøfta aktuelle satsingsområde for ei god og heilskapleg næringsutvikling i Alver.

Næringssjef Tanja Elisabeth Hoel sa at det i næringslivet i Alver er forventningar til utval for næring og drift. Ho viste også til at det i intensjonsavtalen for Alver er lagt høge ambisjonar for næringsutvikling. Ho presenterte den nye næringsanalysen for Alver, som gir kunnskapsgrunnlag for vidare arbeid med organisering og strategi for næringsutvikling.

Utvalet drøfta grundig kva handlingsrom dette utvalet har. Utvalsleiaren ser for seg at utval kan ha ei rolle som lyttepost for næringslivet. Utvalet drøfta også ulike plattformer og arenaer for å møte bedriftene. Utvalet ser behovet for å etablera eit kontaktutval i dialogen med næringslivet. Administrasjonen vil koma tilbake med sak om dette.

Det vart i utvalet også tatt opp spørsmål knytt til

Nordhordlandspakken/Nordhordlandstunnelen, og kommunalsjefen for samfunnsutvikling il koma tilbake med ein gjennomgang av status. Potensialet som ligg i at Nordhordland er det første - og einaste biosfæreområdet i landet, vart også løfta fram.

Utvalsleiaren oppfattar at utvalet ser det som naturleg at næringslivet skal kunne ta ein prat med leiaren, utan at det vil vera bindande for utvalet.

I oppsummeringa sa utvalsleiaren at utvalet ønskjer at administrasjonen kjem tilbake med orientering om næringspotensialet knytt til biosfæreområdet, status for Nordhordlandstunnelen/Nordhordlandspakken, og plan for bedriftsbesøk/kontaktutval.

Det vart ikkje gjort vedtak i saka.

ND- 001/19 Vedtak:

Det vart ikkje gjort vedtak i saka.